

## Universitätsbibliothek Paderborn

**Epistola Responsoria R. P. Isaaci De Bruyn Societatis Jesu  
Ad Eximum Dominum Martinum De Svvaen S. Th.  
Doctorem Lovaniensem &c.**

Bruyn, Isaac van

[Verlagsort nicht ermittelbar], 1693

§. I. Primus Eximii scopus, quem non attigit.

**urn:nbn:de:hbz:466:1-40327**

& Thomistas dissidia. 3. Quod argumenta præcipua ex quibus controversiæ cardo pendebat , dissimulasses : hæc per varios paragraphos conaris diluere , ad quos habe hæc pauca.

### §. I.

#### *Primus Eximii scopus , quem non attigit.*

„ **S**copus ille *inquis* §. 6. multiplex est , & primus quidem , me , „ aliosque Doctores Orthodoxos eximere à nota seu suspicione „ daminatorum ab Innocentio X. & Alex: VII. dogmatum in materia „ de gratia & libero arbitrio. *Huc tripli niteris via:* primo *ais* osten- „ dendo , quod nihil doceas circà articulos ab Innoc: X. & Alex. VII. „ proscriptos , quod in Scholis Orthodoxis Lovaniensi V. G. & Tho- „ mistica Orthodoxè non doceatur.

Respondeo non liberas te suspicione Jansenismi , quamdiu non damnas propositiones in sensu Jansenii : Non enim sufficit explicare quid doceas cum quibusdam Catholicis ( quod faciebat etiam Pelagi- us ) sed quid non doceas cum Jansenio. Id haec tenus , ut par erat non præstitisti , imo ne tentasti quidem : ergo ad scopum non tendis , quem tibi præfixisti.

Imo pergis : nam assevero 2. *Me non fucatè , sed omni sinceritate in predictis articulis reiicere , quidquid in illis Schola Catholicae V. G. Tho- mistica reiiciunt.*

Respondeo : reiicis Eximie Domine quidquid reiiciunt Thomistæ? Non possum , quin tibi gratuler. Aīn enimverò , nuntium remittis palam , apertè , disertis verbis sensui Janseniano ? Tandem Vir es. Quis enim Thomista id palam , apertè , disertis verbis non facit ? Vel hic tibi non constas , vel aliud sentis , aliud loqueris , quod est contra bonam fidem , vel certè plena mihi tecum hodie erit concordia. Obscro Speciatim id præsta , quod modo in genere elocutus es : sed ad exceptionem tuam mavis adhærescere. Reiicis totum id , quod Thomistæ reiiciunt præscindendo à sensu Jansenii. Capio quid velis. Sed an satis te securum , & probatum existimas , si ubique Thomistarum nomine & auctoritate ac fide abusus imperitis illudas ? Subdolo hoc artificio Maximini Arianorum Episcopi morem imitari videris , qui pressus ab Augustino ut suæ fidei professionem faceret , adigi vix potuit , ut præter Ariminensis Concilii genericam quasi filiem profiteretur. Ita refertur in collatione Augustini cum Maximino tomo 8. operum novæ editio-

nis

nis his verbis: *Augustinus dixit: ut cito agamus quod instat, dic mihi fidem tuam de Patre & Filio & Spiritu Sancto*, liceat mihi dicere vel si mavis postulare: *ut cito agamus quod instat dic mihi fidem tuam de constitutionibus Pontificum in quantum Jansenii doctrinam in sensu auctoris condemnant.* *Maximinus respondit: si fidem meam postulas, ego illam teneo fidem, quae Arimini à trecentis & triginta Episcopis, non solum exposita, sed etiam subscriptionibus firmata est.* Eximius respondet: *Ego illud teneo & reiicio quod tenent & reiiciunt Thomistæ.* *Augustinus dixit: jam dixi & hoc ipsum repeto, quia respondere noluisti: Dic fidem tuam de Patre & Filio, & Spiritu Sancto.* Liceat mihi dicere quid diverticula quæreris recurrendo ad Thomistas, dic fidem tuam de sensu Jansenii. *Maximinus respondit: cum enim non defecerim à responsione, cur accusor à tua religione, quasi responsum non dederim?* Eximius respondet, an non abundè ad quæsitum respondeo & Catholicum me exhibeo, dum profiteor me eadem tenere & reiicare, quæ Thomistæ tenent, & reiiciunt? " *Augustinus dixit: propterea dixi te responde noluisse, quia dum ego quærerem, ut dices mihi fidem tuam de Patre & Filio & Spiritu S. quod & nunc posco, tu mihi non dixisti fidem tuam, sed nominasti Ariminense Concilium. Fidem tuam volo nosse, quid credas, quid sentias de Patre & Filio & Spiritu Sancto.* Si dignaris ore tuo audiam. Noli me mittere ad ea scripta, quæ modo aut præ manu non sunt, aut eorum auctoritate non teneor. *Dic quid credas de Patre & Filio & Spiritu Sancto.* Liceat mihi dicere: nominas quidem Thomistarum fidem ac doctrinam ( quamquam neque hanc expreas ) fidem tuam volo nosse, quid credas, quid sentias de damnatis Jansenii propositionibus in sensu auctoris. Si dignaris ore tuo audiam. Noli me mittere ad Thomistas, quorum auctoritate non teneor, neque enim Thomistæ regula fidei sunt, aut irrefragabiles controversiarum judices. Ad suam instantiam distinximus tandem aliquod responsum retulit Augustinus: ego vero nihil. Ne indigneris Vir Eximie, si palam cogitationes meas eloquar. Imitari videris germanos illos rusticos homines, qui quoties de sua Religione interrogantur, Principis sui ac Domini nomen ac fidem credere se protestant: *Quidquid egeris, responsum ulterius ex eorum ore non extorquebis quam, teneo ac reiicio, quidquid Princeps aut Dominus meus tenet ac reiicit.* Sic tu, quoties à te fidei tuæ ratio poscitur, quoties urgeris, ut te, tuamque doctrinam à Janseniana justo aliquo discrimine sejungas, nihil aliud, quam Thomistarum nomen ac fidem imploras. Teneo clamas quidquid Thomistæ tenent, reiicio ac quid

quidquid Thomistæ reiiciunt. Hic tibi metam figis, à qua tamen longè manes remotissimus, quantum ad hæreticum Jansenii sensum. Toleranda sit in rusticis hominibus illa simplicitas, aut inscitia, certè in Eximio Doctore & Lovaniensi, & Batavo pugile, non videtur tolerari posse. Quasi per te ipse stare non possis, aut assurgere, nisi velut hedera centum claviculis, sic tu te totidem phrasibus trunco cuidam, aut arbori Thomisticæ affigas, alias humi repturus. Animadvertis Eximie hanc professionem ad scopum tuum nihil conducere?

Tertium conatum videamus num præcedentibus futurus sit felior: supereft tertium, scribis, quod obtinendo proposito mihi scopo judicavi accommodum, hoc videlicet, ut ostenderem, debitam me præstare, & hoc usque præstitisse constitutionibus Innoc. X. & Alex: VII. obſervantiam. Hunc in finem (ut reliqua præterea) declaravi eandem me iisdem deferre reverentiam, quam iisdem detulere Episcopi quatuor de quibus supra.

Respondeo: Præclarum scilicet obſervantiæ ſpecimen quod ſupra exhibui, & nemo, ne juratissimus quidem Jansenista, neq; Arnaldus ipfe detrectat, sed quid ſibi vult illud ut reliqua præterea? Sanè nihil ego reliqui invenio, quo plus præſtas, quam hic præſtare te dicas, & foederati tui Protestantes (Supplicantes volui ſcribere ſemper hic erro) haſtenus præſtant. Quæ quælo reliqua præteris? Enumera illa, ſi ſapis, enucleatius, neque verearis Lectoris fastidium, cui crambem toutes recoctam ingerendo, moves naueam. Non movebis, ſi varia longo ordine exhibeas reverentiæ tuæ erga Constitutiones Apostolicas ſpecimina. Aliquid in hoc genere apportabis novi, quodque boni omnes percipere geſtiant. Vides, ut exiſtimo, Eximie Domine, nam me tacente res ipſa loquitur, quod haſtenus nihil profeceris ad scopum, quem primo loco tibi proposueras, forte meliorem in cæteris ſucessum tibi polliceris. Videamus, qua ratione eo nitaris.

## §. II.

### *Scopus alter à quo Eximus aberravit.*

**H**unc nobis exhibes Epistolæ tuæ §. 7. his verbis: *scopus secundus dissertationis est, ostendere, quod nulla veri ſpecie afferri queat, doctrinæ de gratia per ſe efficaci, per constitutiones Innocen. X. & Alex: VII. quidpiam fuſſe detractum* Hoc te assecutum triplici iterum ratione pugnas 1. Ostendendo quod ipsimet Summi Pontifices præfati, declararint post condemnationem famosorum articulorum nullatenus ſe per suas rereficitive constitutiones dannasse gratiam per ſe efficacem,

Ref-